

শিক্ষার্থীদের দাবির মুখে বিএসপিআই অধ্যক্ষের পদত্যাগ

রাঙামাটি প্রতিনিধি

২২ আগস্ট ২০২৪, ১২:০০ এএম



রাঙামাটির কাপ্তাই উপজেলার বাংলাদেশ সুইডেন পলিটেকনিক ইনস্টিটিউটের (বিএসপিআই) শিক্ষার্থীদের বিক্ষোভের মুখে পদত্যাগ করেছেন প্রতিষ্ঠানটির অধ্যক্ষ আবদুল মতিন হাওলাদার। গতকাল দুপুর ১টার দিকে তিনি পদত্যাগপত্র জমা দিয়ে প্রতিষ্ঠান ত্যাগ করেন।

এর আগে সকাল থেকে প্রতিষ্ঠানের জুনিয়র ইনস্ট্রাক্টর এজাবুর আলমের বিরুদ্ধে যৌন হয়রানির অভিযোগ এনে পদত্যাগের দাবিতে ক্যাম্পাসে বিক্ষোভে নামেন কাপ্তাই সুইডেন পলিটেকনিকের বিভিন্ন বিভাগের শতাধিক শিক্ষার্থী। এ সময় শিক্ষার্থীদের বিক্ষোভ থামাতে ক্যাম্পাসে আসেন অধ্যক্ষ আবদুল মতিন হাওলাদার। বিক্ষুব্ধ শিক্ষার্থীরা অধ্যক্ষ আবদুল মতিন হাওলাদারের পদত্যাগের দাবিতেও সেখানে দিতে থাকেন। অধ্যক্ষের পদত্যাগ না হওয়া পর্যন্ত বিক্ষোভ চালিয়ে যাওয়ার হুঁশিয়ারি দেন শিক্ষার্থীরা।